



CONCELLO DA MOI HOSPITALARIA VILA DE MONDARIZ BALNEARIO

ORDENANZA REGULADORA DA TAXA POR LICENCIAS DE AUTOTAXIS E DEMAIS VEHÍCULOS DE ALUGUER.

Artigo 1.º Fundamento e natureza.

No uso das facultades concedidas polos artigos 133.2 e 142 da Constitución, polo artigo 106 da Lei 7/85, do 2 de abril, reguladora das Bases do Réxime Local, e os artigos 20 e 58 da Lei 39/88, do 28 de decembre, e de conformidade co disposto nos artigos 15 ó 19 da Lei 39/88 citada, este Concello acorda a imposición e ordenación da Taxa por licenza de autotaxis e demais vehículos de aluguer, que se rexirá pola presente Ordenanza fiscal.

Artigo 2.º Feito imponible.

Constitúen o feito imponible desta Taxa a prestación dos servizos e a realización das actividades que, en relación coas licencias de autotaxis e demais vehículos de aluguer a que se refire o Regulamento aprobado polo Real Decreto 763/1979, de 16 de marzo, se sinalan a continuación:

- a) Concesión e expedición de licencias.
- b) Autorización para transmisión de licencias, cando proceda o seu outorgamento, con arrego á lexislación vixente.
- c) Autorización para substitución dos vehículos afectos ás licencias, ben sexa este cambio de tipo voluntario ou por imposición legal.
- d) Revisión anual ordinaria dos vehículos e revisión extraordinaria a instancia de parte.
- e) Dilixenciamiento dos libros-rexistro das empresas de servizos de transporte das clases C e D.

Artigo 3.º Suxeito pasivo.

Teñen obriga do pago da Taxa en concepto de suxeitos pasivos contribuíntes as persoas físicas e xurídicas e as entidades, a que se refire o artigo 33 da Lei Xeral Tributaria, seguintes:

1. A persoa ou entidade a que se outorgue a concesión e expedición da licenza, ou a quen no seu favor se autorice a transmisión de dita licenza.
2. O titular da licenza de que o seu vehículo sexa substituído ou obxecto de revisión, tanto ordinaria como extraordinaria, e de quen os seus libros-rexistro sexan dilixenciados.



CONCELLO DA MOI HOSPITALARIA VILA DE MONDARIZ BALNEARIO

Artigo 4.º Responsables.

1. Responderán solidariamente das obrigas tributarias do suxeito pasivo as persoas físicas e xurídicas a que se refiren os artigos 38.1 e 39 da Lei Xeral Tributaria.

2. Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei Xeral Tributaria.

Artigo 5.º Cota tributaria.

A cota desta Taxa será a que figura no anexo desta Ordenanza.

Artigo 6.º Exencións e bonificacións.

Non se concederá exención ou bonificación algunha no pago da Taxa.

Artigo 7.º Percepción.

1. Cando se trate da concesión de licencias nace a obriga de contribuír na data na que este Concello conceda e expida a correspondente licencia ou autorice a súa transmisión, o no seu caso, autorice a substitución do vehículo. Non obstante, poderase considerar que nace a obriga de contribuír no momento de presenta-la correspondente solicitude.

2. Cando se trate da prestación dos servizos de revisión de vehículos e de dilixenciamento dos libros-rexistro, a Taxa percibirase no momento en que se inicie aquela prestación, entendendo, a estes efectos, que dita iniciación prodúcese coa solicitude dos mesmos.

Artigo 8.º Declaración e ingreso.

1. A realización das actividades e a prestación dos servizos suxeitos a esta Taxa levaranse a cabo a instancia de parte.

2. Toda-las cotas serán obxecto de liquidación para ingreso directo, unha vez concedidas as licencias ou autorizacións de que se trate e realizados os servizos solicitados, procedendo os contribuíntes o seu pago no prazo establecido no artigo 20 do Regulamento Xeral de Recadación.

3. Nembargantes poderán os Concellos esixir o ingreso no momento da presentación da solicitude en calidade de depósito previo.

Artigo 9.º Infraccións e sancións.



CONCELLO DA MOI HOSPITALARIA VILA DE MONDARIZ BALNEARIO

En todo o relativo á salificación de infraccións tributarias, así como das sancións que ás mesmas correspondan en cada caso, estarase ó disposto nos artigo 77 e seguintes da Lei Xeral Tributaria.

DISPOSICIÓN FINAL

A presente ordenanza fiscal, cunha redacción definitiva aprobada polo Pleno da corporación na sesión que tivo lugar na data que se expresa no anexo a esta ordenanza, entrará en vigor o día 1 de xaneiro de 1999.

ANEXO

TARIFAS:

- Por concesión e expedición de licencias, 60 €.
 - Por transmisión de licencias, 60 €.
 - Por substitución de vehículos, 30 €.
-
- Aprobada polo Pleno en sesión de 14 de outubro de 1998.
 - Publicado no BOP nº 249, de 30 de decembro de 1998.